



# RTPI

mediation of space · making of place  
cyd drefnu gofod · creu cynefin

## Canllaw i'r Sefydliad Cynllunio Trefol Brenhinol yng Nghymru RTPI Cymru

Mae'r Sefydliad Cynllunio Trefol Brenhinol yng Nghymru (RTPI) yn cynnig aelodaeth proffesiynol i gynllunwyr gwlad a thref yn y DU a thramor. Mae ganddo ychydig dros 1,000 o aelodau yng Nghymru, a mwy na 20,000 ledled y DU.

Mae RTPI Cymru yn cynnig gwasanaeth wedi'i deilwra i bobl broffesiynol yn y maes cynllunio yng Nghymru.

Caiff gweithgareddau RTPI Cymru eu rheoli drwy gyfrwng Bwrdd Reoli, wedi'i gefnogi gan y Cyfarwyddwr Cenedlaethol a Chynorthwy-ydd Gweinyddol. Sefydlwyd y strwythur hwn er mwyn cael presenoldeb mwy egniol, perthnasol a dylanwadol yng Nghymru.

Credwn fod cynllunio gofodol yn chwarae rôl arweiniol a chanolog yn y gwaith o greu Cymru gynaliadwy a llywddiannus, ac wrth fynd i'r afael â materion yn ymwneud â newid yn yr hinsawdd, lles cymdeithasol a diogelu'r amgylchedd.



*Cymrychiolwyr Bwrdd Rheoli RTPI Cymru 2008*

### Amcanion RTPI Cymru yw:

- sicrhau bod gweithgareddau'r sefydliad yng Nghymru yn cael eu llywodraethu'n effeithiol ac yn effeithlon yn unol ag egwyddorion cynaliadwyedd, cyfle cyfartal a chyfranogiad egniol gan aelodau;
- codi ymwybyddiaeth a hyrwyddo dealltwriaeth y cyhoedd o'r pethau cadarnhaol y gall cynllunio eu cyflawni ar gyfer Cymru a'i phobl, a rhoi llais i'r Sefydliad yng Nghymru;
- hyrwyddo a rhannu gwybodaeth ac arferion da yn y maes cynllunio;
- gweithio gyda Llywodraeth Cynulliad Cymru ac eraill i roi fframwaith strategol priodol ar gyfer cynllunio yng Nghymru;
- cefnogi dylanwad a chyfraniad y sefydliad i'r gwaith o greu polisi ar lefel y DU, Ewrop a'r byd.

Un o egwyddorion craidd gwaith RTPI Cymru, sy'n adlewyrchu ei gyfrifoldebau elusennol, yw annog y broses o gyflwyno polisiau cynllunio gwell sy'n cefnogi buddiannau ehangach y cyhoedd. Ar lefel y DU, mae RTPI Cymru yn cael ei gynrychioli ar baneli, pwyllgorau a Senedd Gyffredinol RTPI



## Cynllunio yng Nghymru

Mae sefydlu Cynulliad Cenedlaethol Cymru a Llywodraeth Cynulliad Cymru, gyda chyfrifoldeb datganoledig dros gynllunio, yn golygu bod Cymru wedi datblygu ei hagenda gynllunio ei hun, a honno'n agenda fwyfwy dargyfeiriol. Mae hyn yn cynnwys effaith Polisi Cynllunio Cymru, datblygu system y Cynllun Datblygu Lleol (LDP) a phwerau deddfwriaeth sylfaenol o dan Ddeddf Llywodraeth Cymru 2006.

Mae gan Gymru ei chynllun gofodol ei hun - Pobl, Lleoedd, Dyfodol - a'i Chynllun Datblygu Cynaliadwy ei hun, sy'n ychwanegu blas unigryw at y broses gynllunio. Mae Llywodraeth y Cynulliad yn gyfrifol am wneud ei gwaith ymchwil a'i hymgyngoriadau ei hun ac am ystod eang o is-ddeddfwriaeth, yn ogystal â chyfrannu at ddeddfwriaeth Llywodraeth y DU ar faterion nad ydynt wedi'u datganoli.

Mae Cymru yn wlad ddwyieithog, gyda 28% o'r boblogaeth yn gallu siarad, darllen a / neu ysgrifennu'r Gymraeg. Disgwylir ac anogir cyrff cyhoeddus, ac yn gynyddol y sector preifat a'r sector gwirfoddol, i allu cyfathrebu'n ddwyieithog.

Mae angen i wasanaethau a pholisïau cynllunio ymateb i hyn, sy'n gwneud cynllunio yng Nghymru yn wahanol eto i rannau eraill y DU.

Mae daearyddiaeth a dosbarthiad poblogaeth Cymru yn cael eu hadlewyrchu yn lleoliad ein haelodau, gyda thua 55% yn y De-ddwyrain, 20% yn y De-orllewin, 20% yn y Gogledd a 5% yn y Canolbarth.

### Aelodaeth RTPI yng Nghymru

Aelodau Corfforaethol	733
Aelodau Cydymaith	3
Aelodau Technegol	8
Aelodau Trwyddedig	58
Aelodau sy'n Fyfrwyr	112
Aelodau sydd wedi Ymdeol	98

Gwanwyn 2008

## Polisi

Er mwyn adlewyrchu amrywiaeth ac unigrwydd systemau a pholisïau cynllunio Cymru, mae gan RTPI Cymru ei Fforwm Polisi ac Ymchwil ei hun. Mae'r Fforwm yn cynnwys aelodau o bob cwr o Gymru ac o wahanol sectorau, sy'n cynnig ystod o wybodaeth arbenigol i'r Fforwm. Nod y Fforwm yw arwain y broses o ddatblygu cynllunio a pholisï cysylltiedig a nodi ymchwil i gefnogi hyn.

Mae'r Fforwm yn croesawu cyfraniadau gan aelodau yng Nghymru wrth ystyried polisïau. Enghraifft dda o hyn yw'r ymgynghoriad ar Ddiweddaru Cynllun Gofodol Cymru, lle defnyddiwyd trafodaethau mewn gweithdai yng Nghaerdydd a Bangor, a fynychwyd gan fwy na 100 o gynllunwyr, i lywio ymateb y Fforwm ei hun i'r ymgynghoriad.

*Gellir gweld holl ymatebion y Fforwm i ymgynghoriadau ar dudalennau gwe RTPI Cymru.*



*Gweithdy i gynllunwyr ar Gynllun Gofodol Cymru, Caerdydd*

## Cydweithio

Mae RTPI Cymru yn cydnabod pwysigrwydd partneriaethau wrth gyflwyno ei amcanion, ac yn mynd ati i weithio'n agos â sefydliadau yng Nghymru, gan gynnwys Llywodraeth y Cynulliad, Comisiwn Dylunio Cymru, Cymorth Cynllunio Cymru a Chymdeithas Swyddogion Cynllunio Cymru (POSW), ymysg eraill.



*Y Senedd, llun trwy garedigrwydd Cynulliad Cenedlaethol Cymru*

Er bod mwyafrif y cynllunwyr sy'n gweithio yng Nghymru wedi'u cyflogi gan y sector cyhoeddus (tua 57%), mae'r rheini sy'n gweithio yn y sector preifat (21% o aelodau) hefyd yn bwysig, yn ogystal â'r rheini sy'n gweithio mewn sefydliadau eraill. Mae RTPI Cymru yn awyddus i weithio gydag asiantaethau yn y sector preifat a'r sector cyhoeddus, i gyflwyno gweithgareddau a diwallu anghenion holl gynllunwyr Cymru.



**Regeneration  
Skills  
Collective Wales**

Mae Cydweithfa Sgiliau Adfywio Cymru (RSCW) yn hyrwyddo cydweithio rhwng gwahanol feysydd proffesiynol. Mae RTPI Cymru yn un o chwe aelod, ynghyd â Sefydliad Tai Siartredig Cymru (CIH Cymru); Sefydliad y Peirianwyr Sifil: Cymru (ICE);

Sefydliad Tirwedd Cymru (LIW); Sefydliad Brenhinol y Syrfewyr Siartredig - Cymru (RICS Cymru); a Chymdeithas Frenhinol Penseiri yng Nghymru (RSAW), sy'n cydweithio i gynnal gweithgareddau a phrosiectau ar y cyd, gan annog dealltwriaeth ar draws ffiniau proffesiynol.

## Gweithgareddau

Mae RTPI Cymru yn cyflwyno ystod o weithgareddau Datblygu Proffesiynol Parhaus (CPD) ledled Cymru, llawer ohonynt mewn partneriaeth â chyrrff eraill, er mwyn cynnig ystod o opsiynau i'n haelodau. Mae'r Sefydliad yn cynnig tri digwyddiad proffil rheolaidd yng Nghymru bob blwyddyn, gan gynnwys y Cinio Blynnyddol, y Cyfarfod Cyffredinol Blynnyddol sy'n cynnwys anerchiad ar bwnc penodol, ac, o 2008 ymlaen, cynhadledd Cymru-gyfan flynyddol.

Mae RTPI Cymru yn cydnabod ei bod yn bwysig cyfathrebu ag aelodau ac i aelodau gyfathrebu â'i gilydd. Ceir tudalennau penodol ar wefan RTPI, sy'n cynnwys newyddion am ddiwyddiadau a pholisïau, a chaiff y tudalennau hyn eu diweddarau'n rheolaidd. Mae Cynllunio, sef cylchlythyr chwarterol RTPI Cymru, a anfonir at bob aelod yng Nghymru, yn cynnwys newyddion ac eitemau. Anogir aelodau i gyfrannu, yn enwedig i rannu profiadau a mynegi barn ar wahanol faterion a phrosiectau.



*Owain Wyn yn cyflwyno Gwobr Cynllunio Cymru 2007 i Gwyn Roberts o Galeri Caernarfon Cyf*

Cynhelir Gwobrau Cynllunio Cymru bob blwyddyn i gydnabod, cymeradwyo a hysbysebu enghreifftiau o arfer da yng Nghymru a chânt eu cyflwyno yn ystod y Cinio Blynnyddol. Yn 2007, yr enillydd oedd canolfan fenter greadigol y Galeri yng Nghaernarfon.



## Cysylltwch â RTPI Cymru

e-bost: [wales@rtpi.org.uk](mailto:wales@rtpi.org.uk)  
gwe: [http://www.rtpi.org.uk/rtpi\\_cymru/](http://www.rtpi.org.uk/rtpi_cymru/)  
ffôn: 029 2049 8215  
Blwch SP 2465  
Caerdydd  
CF23 0DS

### Staff

Cyfarwyddwr Cenedlaethol

Roisin Willmott, BA MSc, PhD, MRTPI  
[roisin.willmott@rtpi.org.uk](mailto:roisin.willmott@rtpi.org.uk)

Cynorthwy-ydd Gweinyddol

Georgina Roberts  
[georgina.roberts@rtpi.org.uk](mailto:georgina.roberts@rtpi.org.uk)

### Swyddfa'r DU

41 Botolph Lane  
London EC3R 8DL  
ffôn: 020 7929 9494  
e-bost: [online@rtpi.org.uk](mailto:online@rtpi.org.uk)

Cofrestrwyd fel elusen

ying Nghymru a Lloegr: Rhif 262865 ac yn yr Alban: SC037841

### Mathau o Aelodaeth RTPI

**Aelodau Siartredig** - pobl broffesiynol sydd â chymwysterau cynllunio graddedig cymeradwy ac o leiaf ddwy flynedd o brofiad perthnasol yn y maes cynllunio.

**Aelodau Technegol** – staff cynllunio medrus a phrofiadol, o safbwynt gweinyddol, technegol neu orfodaeth, sy'n ymwneud â gweithgareddau allweddol o ran cynllunio gofodol ond nad ydynt yn gymwys ar gyfer Aelodaeth Siartredig.

**Aelodau Cydymaith Cyfreithiol** - ymarferwyr cyfreithiol cymwys sy'n arbenigo mewn, neu sydd â phrofiad helaeth o gyfraith gynllunio, nad ydynt yn gymwys am Aelodaeth Siartredig.

**Aelodau Cydymaith** – pobl broffesiynol sy'n ymwneud â chynllunio gofodol, nad ydynt yn meddu ar gymhwyster a achredir gan RTPI a/neu nad ydynt yn gymwys am Aelodaeth Siartredig.

**Aelodau Trwyddedig** – graddedigion o gyrsiau a achredir gan RTPI sy'n cael eu cyflogi'n broffesiynol ym maes cynllunio gofodol ac a hoffai weithio tuag at Aelodaeth Siartredig drwy gyfrwng yr Asesiad o Gymhwysedd Proffesiynol (APC).

**Aelodau sy'n Fyfyrrwyr** - myfyrrwyr rhan-amser neu amser llawn a/neu raddedigion cynllunio cyflogedig nad ydynt yn gymwys am unrhyw fath arall o aelodaeth.

**Aelodau Rhad ac am Ddim** – myfyrrwyr blwyddyn olaf ar gyrsiau a achredir gan RTPI.

*Mae rhagor o wybodaeth ar Aelodaeth ar gael ar wefan RTPI: [www.rtpi.org.uk](http://www.rtpi.org.uk)*